

箕子後傳四十餘世至朝鮮侯準始稱王漢初其國
大亂燕人衛滿擊破準而自立也後書傳正補此傳
之缺

遣樓船將軍楊僕從齊浮勃海兵五萬○胡三省曰僕
從齊浮勃海蓋自青萊以北幽平以南皆濱於海其
海通謂之勃海非指勃海郡而言也

天子許遂○

臣召南

按許字誤史記作誅遂是也然通

鑑考異已謂漢書作許字則舊本已譌矣

相韓陶○史記作韓陰通鑑從之

長爲幾侯○功臣表作幾侯張昞